

四庫全書

史部

欽定四庫全書

史部  
硃批諭旨卷二百七十四之十七

詳校官尚書臣德保

編修臣裴謙履勘

總校官中書臣朱鈐

校對官助教臣胡子襄

謄錄監生臣吳紹昆

欽定四庫全書

硃批諭旨卷一百七十四之十七

硃批李衛奏摺

雍正十二年八月初四日直隸總督臣李衛謹

奏為奏

聞事竊照直屬地方自七月十八九起連有雨澤俱係

間日時作時停二十五日臣具摺

奏報之後次日夜間雨雖不驟而稠密連綿達旦始

住<sub>臣</sub>因地已透足恐積水停潦委員各處查看早  
禾已成晚禾俱已茁長枝幹堅實無甚損傷即最  
窪之地向年原止種麥今歲偶有廣植晚稻者初  
時水稍停積旋即消退其餘高阜村莊禾苗甚為  
茂盛目前即可收穫惟各處年久土房被雨浸透  
終夜淋漓間有倒塌保定府城內外<sub>臣</sub>已將養廉  
節省銀兩給領安頓別屬俱飭地方官逐一查明  
酌動

恩賞該處備公之銀分別撫恤沿河隄工據各道廳覆  
稱秋汎水勢長落不定現在保護無虞惟涿州固  
安土隄因永定河水陡漲各有衝開小口其他良  
鄉雄縣高陽新城東鹿安州吳橋魏縣等屬亦有  
臨河漫溢之處俱即疏濬堵築並無大礙止有永  
清縣係固安之下流河水驟漲縣城西南角坍塌  
一處水漫入城官署民房多有倒塌臣據報即飛  
委員弁齎司庫存公銀五百兩前往確查實在分

別賑給會同地方官設法疏洩應否再動倉穀酌量接濟不許稽誤又宣化各屬方幸俱得透雨秋穫可期乃於初三日據該府報到七月二十九日申刻雨內有雹將及一時小如雞子大者若拳宣化附城四隅週圍東西五十餘里南北三十餘里高糧穀黍悉被打傷等語臣亦飛委通判守備齎銀五百兩前往會同地方官查勘賑恤將預備冬春接濟民食事宜令該道府星速料理并通查宣

屬別縣有無被傷之處馳報一例酌辦外合行具  
摺奏

聞至今歲直屬年景米價大槩俱好臣身在地方凡遇  
低窪積水偶有一二村莊零星被潦者自當隨時  
設法竭力辦理不敢少懈致厯

宸衷也為此謹

奏

畿輔小民瞻依最近一切撫恤事宜得卿辦理足慰朕

懷

雍正十二年八月二十日直隸總督臣李衛謹

奏為奏明事竊照直省營伍盔甲器械經雲南提臣

蔡成貴等條奏各案俱准部議行查臣現在將直隸各營甲械徹底清查計算製備統俟酌議妥確另行分晰具

題外惟是旌旗衣甲之顏色所以一耳目而示號令本朝八旗制度合天地而符五行按方位而成四序



生尅制化精微神妙盡善盡美今直隸甲械不一  
非旦夕可以齊備者而南府各營號衣顏色多係  
青藍紅鑲猶為合宜惟沿邊各營臣於上年挑兵  
時查閱衣甲多有白色臣思白為西方之色於五  
行屬金除別枝兵丁猶可無須即為改正外如鳥  
鎗礮手所持火器為我

朝用武之先資火既尅金而金又生水以尅火均於  
白色未宜臣愚以為鳥鎗礮手號衣應否俱照南

府用石青布紅鑲邊按東方甲乙木之色以生火而尅西方之金更為有益其舊時白者可以染用無須大費再查湖廣鎮草總兵楊凱條奏改造腰刀一案直隸通省估計一萬餘兩臣現在將各營舊存腰刀內之短小窄薄以及白鐵無鋼者飭令逐一驗定式樣陸續修造惟烏鎗手係操練排鎗連環進步各兵執鎗施放手帶火繩腰繫藥袋若復懸帶腰刀則進退轉身急走時皆有格礙是以

悉將腰刀斜縛於背非他人代拔代裝不能出入  
刀鞘若遇短兵相接前有鎗靶後有鐵桶刀法難  
施是本身既無用刀之時而徒於打鎗有礙故臣  
前在京操演勇健兵丁時除馬步各項礮手配刀  
外鳥鎗手俱製給鉞斧用皮套插於腰間既於施  
展利便且出外行走一切砍伐開路無往不利所  
以久慣出師滿漢馬兵各皆隨帶小斧濟用且製  
斧之費較之於刀大可節省臣愚以為直隸各營

除馬蘭鎮泰寧營等所轄兵丁有把牆護衛之任  
連鳥鎗手一項仍照舊佩刀外其餘各處鳥鎗兵  
丁俱應製造鉞斧插帶將舊有腰刀分別堪用者  
移給弓箭等項兵丁懸帶不堪者加鋼另製以上  
二事臣本欲彙入敬獻芻蕘等事條奏案內  
題覆因目前奉

旨挑選精銳兵丁一千名更換北路一應軍裝現在準  
備若不陳明即行改換恐蹈擅更舊制之愆理合

繕摺具

奏是否可行伏祈

聖明訓示欽遵為此謹

奏

所奏二事舉屬可行候於題覆時再加詳酌有旨

雍正十二年九月初一日直隸總督臣李衛謹

奏為奏明驛遞實在情形酌議調劑整頓事宜恭請  
訓示事竊照驛站額設馬匹餵養供差久有成例遵行

而現今在站應差者每馬十匹之內皆有騾二三頭不等抵數歷久相沿未知起於何時不特直屬通省各驛皆然即臣從前歷次奉差常有馳驛往來凡經過北五省各驛亦無不如此細察其故蓋因馬力善於馳驟若緊要軍務河工差使晝夜飛馳五六百里者非馬不可若背包負重喫苦力長則馬匹不能如騾而近站往來晝夜不過三百餘里者以騾應差與馬無異所以每站皆有騾頭以

供背包及近地差使搭配之用各驛此項騾頭若  
遇上司點驗或借別馬影射或以出差支飾凡所  
稱自備餘騾之說皆非實情惟至交代之際水落  
石出後官以騾非額設必令換馬前官則因口外  
購買官馬既多價值倍昂雖竭蹶賠銀無馬可買  
只得於近地搜尋伏地駒子等項難以得力耐久  
者尚不能足數每至紛紛互詳若按照定例則相  
沿錮弊逐站皆然非但不勝其叅而各站既不敢

以騾抵數又不能盡將勞斃者買補勢必因循掩飾轉致馬數缺少有誤驛務關係匪輕臣既察知確情若不據實陳明籌畫調劑近日買馬愈艱驛站漸覺疲敝難於整頓查通省各驛舊額及新續增共馬五千二十八匹若按三成之數以騾抵馬內用騾一千五百零八匹莫若明准此數令其留存在站凡有背包負重及近地往來之差按其緩急搭配以代馬力此外七成馬三千五百二十四匹



務令選骨格高大臚好者在站餵養以應差使有  
能於七成數外多養馬匹者聽其自便若於三成  
數外再多騾頭者照缺馬之例嚴加叅處庶驛馬  
免於疲勞站務實在有益但驛站額設止有馬匹  
厯來定例已久臣未敢擅專更易是否可行伏乞  
聖訓指示欽遵謹

奏

驛遞之設原為致遠達速以騾易馬萬不可行

雍正十二年九月二十八日直隸總督臣李衛謹

奏為奏明事竊臣欽奉

諭旨直隸挑選精銳兵丁一千名前往北路更換原派出征之兵隨即欽遵移行署提臣路振揚等按照挑選邊兵案內附奏嗣後調遣先儘向食大糧之兵於中揀選極其精銳之人前往不敷者方於守糧內選用續經兵部咨覆令馬步各半揀派并將領兵各官應派副將或叅將一員遊擊或都司一

員守備二員千總四員把總八員令各該督撫在  
現任署任各員內揀選派出具奏臣隨與提鎮諸  
臣咨商今已派定提標各屬協營路挑選兵三百  
五十名宣化鎮標各屬協營路挑選兵二百五十  
名以上二標馬步各半步兵俱係大糧戰餉天津  
鎮標各屬協營路挑選兵二百名正定鎮標各屬  
協營路挑選兵一百七十五名保定紫荆馬水口  
三屬挑選兵二十五名以上馬步各半步兵原係

守糧合共俱已挑足精銳兵一千名至領兵將弁  
先令各鎮自舉所知臣與提臣再行秉公詳慎會  
核內叅將一員欽遵

諭旨已將湖廣襄陽鎮標中軍遊擊王士宏

題請委署蔚州路叅將員缺恭候

命下令其帶領官兵前往外又選得文安營遊擊楊永  
和新河口堡守備白成事茨溝營守備張國泰暨  
各標協營汛千總馬蘭曾受爵王壽金王如綸把

總冀正翟又新郭進忠劉繼道武其祥林喬張永  
泰傳名顯以上共派署叅將一員遊擊一員守備  
二員千總四員把總八員俱係弓馬熟悉操防勤  
幹之員堪以領兵前往現在預備恭候

諭旨到日起程理合繕摺奏

聞伏乞

皇上訓示遵行為此謹

奏

卿所挑選諒必允當臨事精詳朕信之有素也

雍正十二年十月十五日直隸總督臣李衛謹

奏為欣逢

聖瑞歡切臣衷事雍正十二年十月初十日據馬蘭鎮

中軍遊擊閔英稟稱

景陵後昌瑞山產有靈芝九本寶光燦爛彩色繽紛經署

鎮臣石文焯會同總理諸臣敬謹請起於初四日

遣官進呈

御覽臣聞報之下五內歡忭因思雍正十年靈芝生於  
景陵寶城山上而北路即有大捷今甫見邸鈔西路軍營  
於九月初四日又獲全勝而昌瑞山後復產靈芝  
此皆

聖祖仁皇帝厚澤深仁涵濡無外

神功聖德式憑在茲我

皇上大孝格

天至仁浹地是以希世之祥相因疊獻行見露布之捷接

踵報聞天人感應不爽錙銖臣方敬俟

綸音宣示中外以便具表恭

賀茲於本月十一日迎冬之期自己時起直至十二

是日都中但得雨數陣而保定則有積雪相去咫尺之

立冬至日瑞雪飛颺積有四五六七八寸不等據

問寒暄迥異

各地方官報到者已四十五州縣來年二麥可冀

天

工之不可思付有如是夫

豐收農民稱慶萬姓歡騰實

皇上德威昭宣用召靈芽之特出而普天大有佳兆即

隨上瑞以俱呈理合恭摺繕具清單先行奏



聞伏祈

睿鑒臣曷勝歡忭之至謹

奏

覽卿歡忭之奏朕亦欣幸無既

雍正十三年正月十五日直隸總督臣李衛謹

奏為恭謝

天恩并陳地方近日情形事竊臣接到都察院咨開雍

正十二年十二月十九日請派巡察順天等七府

帶領科道引

見奉

旨李衛為直隸總督不必派巡察官員欽此移咨到臣

聞

命之下感戴既深悚惶交集伏思直隸為

畿輔要區幅員廣遠總督責任無辦巡撫事務未免

竭蹶從前

特命科道分府巡察

睿謨極為周詳臣自調任以來日思奮勉圖報惟恐心  
思不到精力未周尚在兢惕難安乃蒙

恩旨以臣備員地方不復再派巡察仰邀  
巡察之設原為補助督撫不逮可以不須則當省此一  
聖主專其責成深信無疑臣豈敢稍弛心力自蹈忽畧  
官何必令地方多一番供應耶  
之咎惟有倍加警懼竭此寸誠以期勉盡職守而

任重才疎尚祈

聖慈垂宥時加

如有應訓示處朕自源源批諭  
訓示俾免隕越為此具摺叩謝

天恩伏惟

睿鑒再附陳者直屬從前巨盜飛賊雖經屢次設法捕獲多名畧已斂跡而每當歲暮之時常有乘懈肆劫之事臣預飭各屬文武留心體察加謹防範復委標員分頭巡緝匪類俱歸各本案完結不敢冗叙目前歲底新正幸無劫案呈報地方寧謐各屬米價惟宣化府稍昂已於封印前題明減價平糶而臘月二十三日龍門赤城等縣得有冬雪五寸

及三二寸不等此外十月內得過大雪者百餘州  
縣而永平所屬亦有透雨米價俱平歲收可期惟  
山西相近地方及口外搬運頗多緣隣封民食均  
係

朝廷赤子而軍需轉運亦關緊要直隸上年豐稔米麥  
尚多未便悉為禁遏現在酌量本地口食所需曉  
諭民間各為撙節不許囤戶高擡價值庶期兩全  
又燒鍋除宣化府屬准開外其餘例奉禁止但京

東一帶州縣地方內有窪地土性惟與黑高粱相  
宜味苦而澀與米高梁不同民間種植者多薄收  
之年即以充為口食如遇豐歲將此燒酒以資完  
糧用度若米穀賤時禁止過嚴則此種高粱無可

歉歲

別售又難久存小民經營維艱臣察知此等隱情  
禁之豐年寬之是乃隨時變通之道也

雖未便明請開禁亦不得不為變通分別輕重將

米高梁仍行嚴禁外此項暫為從寬稍便民用至  
於黃銅器皿臣在浙任屢經設法查禁節次

奏明收買頗多到保之初即列入條款申禁猶恐未  
此當竭力嚴禁毋容少怠

能周知復刊小式告示徧處張貼曉諭不時嚴行

查拏其造賣賭具向日直隸此風頗盛冬春之間

更多屢禁不悛因而密令文武設法差人暗行收

賭博

一節直省奉行俱屬未能盡法徐徐勉為之  
買從此根究來歷歷年之內所獲牌板器具不一

而足俱照例定案完結今亦知畏法歲內所犯頓

少稍見成效再臘月間正定府屬之行唐靈壽等

縣山內出有虎患傷人隨遣臣子李星垣同差委

弁兵三十名前往搜尋巢穴打獲大虎五隻並飭

驅逐

令各營汛分頭下弓設筭陸續又報獲大小虎豹  
猛獸以便行旅往來亦可謂除暴安良之一端

八隻現在行旅樵採頗得安堵合將近日地方事

宜一并附摺陳明謹

奏

覽

雍正十三年正月二十日直隸總督臣李衛謹

奏為恭報瑞雪均霑事竊照本年正月十七日保定



府城得雪四寸近處州縣之安肅定興涿州蠡縣  
滿城易州涑水慶都新安容城高陽祁州安州完  
縣雄縣博野新城唐縣河間交河獲鹿新樂定州  
報到者各有四五寸三二寸不等復據臣齎摺差  
員回稟京師以及良鄉瑞雪普徧均在同時其別  
屬先於初六十一等日得雪者又有順天府屬之  
遵化寶坻寧河昌平順義懷柔密雲大城香河永  
平府屬之昌黎豐潤玉田樂亭遷安撫寧山海衛

宣化府屬之昌來延慶蔚州蔚縣及熱河之承德  
州等各處接連具報查去冬早已普得透足雪雨  
土膏原皆潤澤而宣化永平二屬節氣稍遲向種  
春麥此時止為相宜即京南各處麥根興旺方在  
長養又遇瑞雪滋培自必深厚堅實更加茂盛萬  
民欣慶歡呼載道實有豐年景象理合恭摺

奏報上慰

睿懷謹

奏

微雪沾濡而已尚未可云透足

城守尉楊代何如可勝副都統任否

雍正十三年正月二十四日直隸總督

臣李衛謹

奏為奏

聞事竊臣於正月二十日早拜進奏摺後卯刻出堂望

闕叩頭行開印禮維時旭日初昇天氣清朗司道各官

一同在署仰見日上戴冠形如寶蓋雲成五色光

徹九霄左右抱珥明若雙鏡瑞靄重重繽紛擁護  
自卯至辰一時之久闔城文武以及吏役兵民萬  
目共覩攷之於古日冠雙珥實為嘉祥徵兆我  
皇上敦本重農是日

親行祈穀大禮瑞雪先期而降日華應時而呈雖  
帝念常謙屢却賀章而弗受惟

天心攸眷頻昭

景福於無疆官吏忭舞衢市歡呼理合恭摺奏

聞伏祈

睿鑒謹

奏

保郡相離不過三百餘里何都中竟未之見耶

雍正十三年二月初二日直隸總督臣李衛謹

奏為恭請

恩准隨

駕以展微忱事恭聞

皇上於二月十二日

親詣謁

陵臣身在地方分應道左前驅清塵扈

蹕且自雍正三年冬蒙

恩准臣隨從叩

陵之後將近十載瞻戀微忱無由自遂為此恭摺具

奏仰懇

聖主俞允臣即帶同按察使多綸起程其布政使王慕

留於保定府料理地方事宜合并陳明臣臨奏曷  
勝懇禱瞻望之至謹

奏

允卿所請不必來京先詣通州左近預候可也

雍正十三年二月二十四日直隸總督臣李衛謹

奏為

聖孝格

天甘霖協應億兆歡呼臣民共慶事欽惟

皇上舉行詣

陵大典、臣幸得隨侍扈

蹕仰見

聖容齋莊儼肅誠敬恪恭行禮之日望

山陵而雪涕薦邊實以興哀實有憫見愾聞終身孺慕之

心十三年來如同一日百辟羣僚油然觀感

孝思不置上格

穹蒼是以



玉輅在塗和風協應

鑾輿迴輦甘雨隨來本月十八日辰刻臣自長營叩送

聖駕行三十餘里遇雨即住宿馬駒橋次早前行見道路泥濘頗深問之土民回云此處昨早即降雨起可見

翠蓋經臨之地

天心默應晴雨得宜誠非偶然所能遇也且春將及半地氣正當上升有此時雨滋潤土膏透達一夕之間

勾萌畢出麥隴皆青臣沿途目睹村農野老莫不  
感激欣忭歡呼載道近處具報同於十八日辰巳  
午間得雨至戌亥時未止者共八十五州縣衛高  
下多已霑足遠者尚未接到此番所被廣濶米價  
更減

聖世雨露之恩周徧而神速未有過於此者攷之於傳  
曰惟聖人為能饗帝惟孝子為能饗親又曰饗帝  
於郊而風雨節寒暑時夫惟

皇上以純孝格

天而億兆臣民羣受其福將來二麥豐登百穀順成大有  
之象已兆於斯臣曷勝慶幸忭舞之至謹將直屬  
已報各處得雨緣由另繕清單恭摺奏

聞伏祈

聖鑒謹

奏

朕回至京城詣

壽皇殿拈香方入門旋即落雨土膏滋潤氣候調和朕實欣悅之至

雍正十三年三月初十日直隸總督臣李衛謹

奏為恭報春雨及時再沛事竊照直屬地方同於二月十八日已得有甘霖者共八十五州縣衛經臣

具摺奏

聞之後續據報到又有順天府屬之寧河永平府屬之豐潤玉田撫寧樂亭昌黎灤州盧龍遷安山海衛

天津府屬之慶雲大名府屬之元城南樂開州清  
豐長垣大名等一十七州縣衛連前共百餘處其  
宣化一屬春初有雪地氣亦潮是通省遠近均霑  
冬麥春苗悉皆發榮滋茂矣今於三月初十日又  
降時雨入土已有三寸濃雲四布所及必遠春雨  
向來難得茲二旬之間連沐膏澤萬姓歡呼實乃  
今番雨澤誠可謂優渥

上天感孚

天恩也此喜與卿共之

聖德福佑之所致也臣正在額慶之際又接得辦理軍

機處寄字到來欽奉

密旨宣示噶爾丹策凌已遣人隨侍郎傳鼎等而來與

臣前面奉

諭旨三四月內可以得信情由相符仰見

天威遠震

聖仁廣被使小醜畏懼悚惶感戴懾服冀逃命於釜魚  
自乞哀而伏罪既慰臣盼望之衷復遂臣欣幸之  
願隨將奉到

密旨汎地堆撥事宜立即敬謹欽遵奉行辦理外所有  
又得時雨日期理合具報為此謹

奏

覽

雍正十三年三月二十一日直隸總督臣李衛謹

奏為請

旨事竊照直隸所屬陸續出有衝繁疲難內三項相兼  
應行題補各缺臣因一時現任內揀選未得人地

相宜之員但暫行委署試看一面詳慎揀擇因要缺不便久懸除將西路同知并繁難州縣數員

題請補授於疏內聲明保定府通判員缺乏人選擇  
另

奏在案查此一通判係復設之缺督緝差查就近發  
審案件事務頗繁必得練達之員方能稱職現在  
州縣中才具可用者俱已揀補要地此外多係初  
任試用實難其選查有刑部學習之姜泰嗣臣前



署理刑部時見其辦事諳練頗有才情迨臣調任直隸後雍正十一年臘月內經刑部揀選列為一等帶領引

見奉

旨以姜泰嗣看來果係明練之員交與吏部議給七品小京官職銜食俸辦事屢經部臣任蘭枝等將該員

奏請帶往淮安鎮江山東各處查辦審理

欽案事件現在叅革永定河同知黃瑛等侵扣一案亦  
係該員隨同任蘭枝來保辦理臣屢加試看誠如  
聖諭果係明練之人但係在部食俸辦事人員臣不敢  
遽行具題請留酌用今已回京仰懇

皇上天恩俯念內外同為

國家公事可否

敕下吏部將姜泰嗣帶領引

見恭候

欽定如或才果可用以之借補保定府通判員缺俟試用一年後倘能稱職再行

題請實授似於地方有益而臣亦資臂指之用矣臣為要缺需人起見不揣冒昧具

奏伏乞

聖鑒訓示遵行謹

奏

照所請諭部矣

同日又

奏為甘霖疊沛再行奏

聞事竊照直屬地方今歲春月屢得時雨三月初十日

復降甘霖於

臣前次具

奏之後各屬報到者共已七十一州縣衛內宣化府  
通郡所轄全得霑足更為邊境春間罕有之事今  
省城又於二十日未時起初則霏霏微雨繼而漸  
次綿密二十一日早猶然未霽均已深透農歌於

途婦慶於室仰見

天心仁愛實

聖德感孚

臣

於額慶欣幸之際益加凜惕之虔所有甘

霖疊沛情形并前次報到得雨清單合再奏

聞上慰

宸衷

臣

臨奏曷勝歡忭屏營之至謹

奏

際斯春夏之交潤麥滋禾洵可謂及時膏雨也欣覽而

已有何可諭

雍正十三年四月初六日直隸總督臣李衛謹

奏為奏

聞地方情事竊惟遺金不昧在鄉曲小民不過一節之善而人心風俗之轉移於此可以見端直隸為首善之地仰蒙

聖恩教養多年民間常有慕義嚮風者如冀州西北鄉數十村莊因從前被水借領倉穀歷年除完外尚

存舊欠二千五百餘石艱於完納上年該州東南  
鄉村莊俱獲豐收遂代西北鄉鹵地各欠戶悉行  
捐還州倉又涑水縣入官旗地租糧窮民積久難  
完有正白旗告老頂帶莊頭方國璽將本身自收  
租穀碾米六百石運縣糶賣代為完納此二事亦  
見風俗漸厚臣現在確查另行具

題外近則又有查實之萬全縣軍站馬夫劉金貴於  
歲前十一月二十七日晚在南街拾有布包一箇

計銀三十三兩報縣張示召認係山西臨縣民高  
威金之銀中途遺失驗明取領給還又有天津城  
守營兵丁蕭國泰於本年正月二十六日獨自在  
曠野地方見行人墮驢中風不語隨身有行李銀  
兩不生覬覦即至營房喚同汛兵擡至廟中醫治  
招到病人之父史陞公認明將銀二百五十兩并  
鋪蓋衣服給還又有雞澤縣民王繼聖之妻高氏  
於本年二月十二日出門汲水在街拾有路遺包



袱內裝銀錢被褥同夫告知鄉地招人赴認係冀  
州監生牛琪所失先將包內有銀三十二兩四錢

制錢二百文并各物件說出驗對相同給回原物

三事

均應具疏題奏

以上三事各據地方官弁先後呈報前來臣查馬

夫兵丁鄉村婦女既不知義利之辨亦未悉有他  
處不拾遺金得蒙獎賞之事而自發良知合乎道  
義皆由我

皇上聖德涵濡是以羣黎嚮化臣深為人心風俗慶幸

不敢因其細行壅於上

聞除飭行各加分別優賞鼓勵外相應附摺具

奏伏祈

睿鑒謹

奏

以匹夫匹婦之愚而能輕財尚義慕善樂施允屬難得  
於斯足徵風俗向淳之漸覽奏朕懷曷勝愉悅

雍正十三年四月二十九日直隸總督臣李衛謹

奏為彙報雨澤頻降溥利農功事竊臣於四月初六

日

奏報通屬時雨周遍迄今甫及二旬而順天府屬之  
大興宛平良鄉房山通州三河薊州順義香河寶  
坻永平府屬之撫寧昌黎遷安豐潤山海關內外  
保定府屬之定興廣平府屬之邯鄲大名府屬之  
魏縣易州屬之廣昌等各州縣衛又於十六日得  
雨河間府屬之故城東光吳橋阜城寧津景州正

定府屬之元氏順德府屬之邢臺平鄉南和唐山  
廣宗沙河廣平府屬之雞澤曲周威縣冀州并所  
屬之衡水棗強新河趙州屬之栢鄉高邑隆平寧  
晉以及直隸深州俱於二十三日得雨今二十七  
八兩日復有時雨近處如保屬之清苑容城定興  
雄縣新城高陽滿城安肅祁州蠡縣河屬之河間  
肅寧又易州并所屬之涞水俱已報到其餘遠處  
方將接續具報在從前連沛雨澤二麥極其茂盛

漸次秀穗秋苗俱已長發今隔數日各處又有一  
二三寸細雨沾濡得此培養滋潤力愈足而根愈  
實其於二麥大秋利益無窮北地春雨不嫌其多  
此後再降更好臣未敢繁瑣臚列所有近日接續  
雨澤情形理合具摺恭報上慰

聖懷為此謹

奏

春膏既渥夏澤復優仰感

天慈曷其有極

同日又

奏為恭懇

聖鑒事竊

臣

接准吏部咨文因山西署虞鄉縣試用知

縣李景芬以勒收捐監出結陋規不遂捏詳被叅

照例將原保舉之直隸署天津府同知楊灝降二

級調用奉

旨依議欽遵在案此誠

皇上激揚大政臣何敢妄有陳瀆惟是天津五方雜處盜匪繁滋最稱難治又係衆水匯歸入海之區南運河一帶工程最關緊要歷來同知不得其人前任總河顧琮與臣會商再四將楊灝由保定府清河同知

題請調補該員久在河工熟悉諸務時常差遣明白勤練頗有才情目前正當夏汛於現任及效力各員中求其能勝此任者實鮮其人在該員冒昧濫

舉咎無可辭但河務重大舍熟諳之員而求生手  
又費周章臣為人才難得起見用敢據實陳情仰  
祈

聖鑒可否將楊灝帶所降之級暫留原任效力贖罪則  
該員感戴逾格

天恩自必益加奮勉於河務地方似有裨益矣為此謹  
奏

有旨諭部矣



雍正十三年閏四月二十七日直隸總督臣李衛  
謹

奏為恭請

聖鑒事竊照正定鎮總兵蔡永文奉

旨署理大同鎮務所遺員缺荷蒙

聖恩命臣於屬員中揀選奏聞委署臣欽遵查得直隸

副將連河標共有十員半皆新任更兼遞署銜缺  
多不相當如俸深之三屯營副將高文涵才具辦

事雖可去得而操守居心臣尚未敢深信無疑且現在暫署馬蘭鎮未便又行移動臣再四思維僅有調管臣標中軍副將宋愛辦事細心人尚明白或可暫行署理俟

聖明

特簡得人補授則地方可收實效矣是否有當恭候訓示未敢冒昧具

題抑臣更有愚陋鄙見不揣瀆陳者西北重鎮莫如

大同為最所轄皆係關隘要口管兵獨多必歷練  
老成嫻於武備者方克勝任蔡永文聰明有才操  
守亦謹立志向前誠可為調繁之用惟係宦門子  
弟出身於武備尚未透徹根底南天祥自幼食糧  
行伍漸次拔擢閱歷已多於一切營伍事宜較為  
諳悉訓練技藝亦能周知前蒙

聖恩念其在松江提督任內獲咎尚無重情仍畀宣化  
邊疆之任天祥愧悔無地頗覺黽勉思奮可否以

蔡永文調補宣化南天祥調署大同鎮同屬總兵  
一轉移間使之各盡所長似於人地更為相宜臣  
知識短淺萬不能窺

睿照之高遠而直隸山西總屬

聖朝疆域臣不敢以外省地方稍有歧視鄙見偶及相  
應附摺陳明伏祈

睿鑒謹

奏

所奏深愜朕意可謂允協之至另有諭旨從部頒發

同日又

奏為

聖主施恩逾格微臣悚惕難安恭摺

奏謝事竊臣恭逢

聖祖仁皇帝御製文集刊刻告成億萬千年奉為金鑑荷  
蒙

皇上恩賞及臣應行陳謝因查通政司原文條款凡係

公事如

頒發書籍等項用題本特蒙

賞賚及代人謝

恩者用奏本臣前曾代原任大學士魏裔介原任尚書  
魏象樞後裔恭謝

欽賜入祀賢良祠愚昧之見以為有關

聖主褒獎忠良大典乃係公事兩次俱用題本通政司  
於第二次本到時連前半年已收進

呈之本一并以應用奏本指叅荷蒙

皇恩格外寬宥今次特邀

賞賚係開列王大臣官員名單

欽定原未普例槩

頒且是臣一人謝

恩有鑒於前不敢再用題本又經通政司以誤用奏本  
題叅自應聽候處分復蒙

恩旨該部知道欽此是因臣粗疎錯誤每致上煩

天心曲賜優容撫躬自問跼蹐難安雖捐糜頂踵無以

仰酬

高厚於萬一為此具摺恭謝

天恩謹

奏

奏本題本條款雖分為二原非大相懸殊不過俾汝等封疆諸臣慎重檢點之意以汝資歷之深尚不能諳悉程式其他服官未久宜乎不免錯誤者多矣然朕因此



亦每不令依例處分也

雍正十三年五月初四日直隸總督臣李衛謹

奏為恭報二麥豐收實在分數事竊照直隸全屬仰

叨

聖德感孚

上蒼垂佑瑞雪早凝於冬月膏雨頻降於春時遠近高下  
均得普徧二麥已登民氣和樂茲據布政使張鳴  
鈞轉據各道府州將所屬實在收成分數呈報前

來臣查通省二麥收成俱有十分九分以及六七  
八分不等惟宣化府屬地氣稍寒節候較遲俟報  
到再行具

奏外謹將各屬報到二麥收成細數另繕清單恭呈  
御覽總之北地種麥每年多寡不同少種之年即十分  
收成究竟所獲有數緣上年冬月直隸通省普得  
瑞雪春雨及時各處早晚種麥甚廣今歲冬麥大  
熟更與往年不同目前雖有靜海縣等十餘處水

草叢生之所間有土螞蟥零星形跡臣已飛飭各  
文武境內如有窪地蝻子萌動預為防範一見即  
行撲滅盡淨仍委員時往巡查諒不至有虞

聖懷合併附摺陳明伏祈

睿鑒謹

奏

今歲荷蒙

天恩垂佑雨暘應序均調麥秋之豐不待奏報早已預知

其然矣

雍正十三年五月二十二日直隸總督臣李衛謹  
奏為

聖恩高厚恭摺叩

謝事本年五月初八日臣齋摺把總自京捧回

欽賞臣牙鑲洋漆冠架一座到保隨郊迎至署恭設香

案望

闕叩頭謝

恩祇領訖竊臣仰荷

天恩從前屢曾

欽賜朝冠頂戴難名今又蒙

頒賞寶架樸素渾堅精工大雅瞻

內府之寶器日麗星輝感

帝澤之宏深天高地厚臣撫躬自問初無寸長乃邀恩  
於

聖主者推心置腹頻叨格外之

隆施獲佑於

上蒼者時和年豐共慶昇平於樂歲承

天之寵愧而難安非分之榮感而滋懼惟有日凜盈滿  
誠能如此存心獲佑

之戒常存省察之心以冀仰酬

上

蒼正自有日也

聖眷於萬一耳理合具摺恭謝

天恩伏祈

睿鑒謹

奏

覽奏謝矣

同日又

奏為奏

聞請

旨遵行事竊臣准吏部咨為欽奉

上諭事本年閏四月三十日內閣抄出奉

上諭總督李衛奏稱正定府知府鄭為龍昨奉旨補授  
通永河道查鄭為龍謹飭有餘而風力不足恐於河

工緊要之缺未能辦理裕如可否給咨送部引見或以京員或以事簡道員調補至通水道員缺如蒙迅簡幹員更為有益倘一時不得相當之人則伏汎在邇或委令清河道宋壽圖前往署理其清河道員缺近在同城亦有不時交辦公事可否於知府內遴員遞署庶於河巡均無貽誤等語著照李衛所請將鄭為龍送京引見其通永河道印務著清河道宋壽圖署理清河道印務著李衛於知府內揀選奏聞遞行



委署欽此欽遵移咨到臣隨轉行布按二司移調鄭  
為龍領咨赴部一面即飭宋壽圖前往通州署任  
料理河防竝令兩司於知府中揀選遞署之員會  
詳酌議去後今據該司等會同詳稱查有署保定  
府知府彭家屏才具優長辦事明敏堪以遞署清  
河道印務所遺保定府印務查有奉

旨命往直隸以知府缺酌量試用題補之原任福建註  
誤臺灣道倪象愷堪以遞署等因詳請具

題前來臣查彭家屏於前任天津鹽法道任內辦事  
謹細尚屬急公之員仰蒙

聖明鑒照於廢置之中授以保定郡守倪象愷以註誤  
道員荷蒙

恩旨命臣以知府酌量試用題補此兩員者感戴

天恩均皆淪肌浹髓其奮勵圖報之心極為切實就其  
才具而論各於所擬委署道府之任均可稱職雖  
係遞行委署非實授可比臣不敢冒昧具

題理合先行繕摺請

旨可否將二員給咨赴部帶領引

見恭候

欽定伏乞

皇上訓示方敢欽遵辦理為此謹

奏

酌擬甚屬妥協其才具均為可惜倪象愷之不稱臺灣  
道任尚非朕所料及彭家屏似稍欠誠實或恐內外不

一勤加訓誡令其悛改此二員乃向所稔知之人即行  
援旨題署不必送部引見

雍正十三年六月初四日直隸總督臣李衛謹

奏為覆奏交辦額外銅斤完半緣由并陳銅務錮弊  
事宜仰祈

睿鑒事竊臣於雍正九年十一月初八日在浙江任內

承准大學士張廷玉等字寄雍正九年十月二十

日奉

上諭聞今年洋船來者甚多爾等可寄信與李衛於額辦銅斤之外另動庫銀採買紅銅一百萬斤解送來京爾等另行奏聞欽此寄信到臣隨經遴選殷商在於臣追出及本任所發辦銅節省價銀十二萬一千三百餘兩內給領承辦未動正項據商總等覆稱每年現銅不足各省之數竝無贏餘若額外採辦一百萬斤必得設法購買分作兩年各預發五十萬斤之價至癸丑甲寅年陸續繳解彼時正值

臣奉

旨赴京

陛見定議後即行起程於雍正十年正月內曾經面奏  
奉

旨俞允當即欽遵移咨前署督臣李燦給發并委交杭  
州寧波二府秦烱等承管先行辦理五十萬斤赴  
洋採買船未回權臣已調任直隸因係奉

旨交辦之事不敢以既經離浙置身事外屢次移行浙

省撫藩催解今於五月二十三日准到浙撫程元章咨稱此案額外銅斤內先辦之五十萬斤已委員管解一半於閏四月二十日起程前赴內務府交投又二十五萬斤原商業經買足收回乍浦現在委員起解等因所有奉

旨交臣採買額外紅銅一百萬斤好臣從前經手委辦五

十萬斤之數已經完解此外尚餘一半浙撫臣程元章半寄字程元章如業已採辦足數照前解京若尚接任後如何料理未准咨會應聽該撫催解

未購

買令其停止

辦解可也

完結合將解銅緣由具摺覆

奏至於制錢為

國家流通利民至寶銅斤實鼓鑄要需乃銅政日漸  
頹敝每至上厯

宸衷內外諸臣條奏者不一而足似猶未得要領臣前  
任戶部廣西司郎中專管銅鉛諸務雲南驛鹽道  
任內辦理各項礦廠其在浙數年更於東洋銅船  
事宜悉心釐剔其中原委大槩留意日久敢密為



皇上陳之查從前紅銅倭鉛皆買賣人王綱明承辦自  
戶部臣趙申喬將王綱明以遲延虧空叅奏綱明  
遂將紅銅推出八省採買從此分更不一始而分  
辦繼而合辦後又改分廣東湖南湖北則買解滇  
銅江蘇安徽江西福建浙江則在於江浙海舶採  
辦夫地方皆

國家之封疆督撫均

朝廷之臣子同為公事何分彼此滇銅既是有餘則雲

三省之派亦俱令採辦洋銅竝未俾其往滇購求也往  
南即可就近辦解豈不責成專而採買易轉派湖  
滇之行乃伊等自圖穩便起見殊非部議原意總之辦  
廣等三省委員遠處購求彼此又多轉手以致三  
銅之難不止一端除令日本不致留難不擡價值之外  
實別無良策然利之所在豈宜憑威強逼臣未深知確數  
大豐也與

似應查明扣出本省自辦其餘同湖廣南北應辦

之銅皆可歸於雲南直解更為省便者也若江浙

因通海口各省之銅悉取給於東洋商販其間調

言之

易行之難

劑隨時制宜。臣在浙任所辦銅斤俱各辦解全完

前經

面奏

已悉其弊

之日本國王柔懦無能權皆歸於管事之將軍掌  
握中國商船皆在長崎島交易設有譯司名連喬

等六人經管貨物自浙江放洋離長崎順風止有  
五六日之程即遇風阻不出一月自康熙五十四  
年以前商船去来自由最遲往返不至一年後有  
浙江姦商胡雲客欲圖壟斷勾通夷目設立倭照

江浙各二十一張分年輪番無照不許貿易商人  
惟恐不得倭照每次必重賂譯司歷年積有厚貲  
彼處將軍因而大肆需索自康熙六十年為始不  
論船之多寡勒令譯司繳納金片二萬片每年逐  
漸加多至雍正五六年譯司即有虧空將商船留  
難遲發并於額定每船貨本一萬兩給銅四百箱  
之內扣起一百五十箱止發二百五十箱各商帶  
回之銅愈少以致虧本欠銅臣彼時訪知有姦商

私帶違禁貨物潛往黃緣倭照者漸至夷人不守

本分隨行設法拏究曾經歷次奏

聞荷蒙

聖明訓示恩威竝用倭夷懾伏臣又暗令商人將現在  
此數語縱使傳播彼處亦止可令其暫信一時耳豈能  
天朝各省廣收黃銅器皿堆積如山數十年用之不盡  
久愚伊之聽聞

何須東洋採買今既無故減銅臣有欲絕其通商

貿易之意徧行傳露彼處不但資藉中土貨物藥

材以為需用買銅銀兩以為轉運且自伊之東京

至長崎一帶水旱山徑地方專靠搬運貨物銅斤  
往來交易以資口食者豈止十餘萬人商販一絕  
無以為活舉國恐懼情願照舊每船按數給銅七  
百六十箱又於數外許多帶貨銀一萬二千兩加  
給珠銅一百二十箱彼時各省辦銅得以無誤者  
實由於此近聞每年金片已漸加至五萬之多夷  
目虧空愈甚先去之船無銅可發必待後到之船  
貨物那新掩舊是以近來東洋羈滯之船多至四

十餘隻惟十一年春間

臣奉

命赴浙查勘海塘時陸續放歸一十三船完銅比舊稍  
可今則回擢之船愈遲各省辦員無不違限致罹  
叅罰道府數年奔馳仍至革職離任嗣後更甚廢  
弛公務皆有關於地方且虧空積而愈多將來不  
能那掩必致水落石出合各省辦銅之帑項計之  
其所闕者甚鉅即嚴治道府商人重罪究於錢糧  
無益臣愚昧之見以為在今日欲拔根本之患則

奉行一有未善適足起釁滋事海疆關係斷乎難  
行再四籌踏惟有急則治標之法從前額銅亦曾  
交與各處鈔關辦過緣關差每年一換承辦未完  
勢必留住因而即有力能辦完者亦故意稽遲希  
冀復留借以拖延有此弊端始改交督撫委辦近  
年江浙海關皆有專管道員非部差每年更換者  
確稅與不確稅同一地方官而云彼不能而此能尚非  
確論可比其於洋商均屬管轄平日之貧富誠偽素所

深知船貨之出口回權悉由查驗且倭照之年分



番次領帑之日期後先以及貨物銅斤之盈絀客

在才

商夷島之情形皆海關之切近而熟悉者較之新

之優劣耳不在任之新久也

設一道相去霄壤莫若分於江浙兩海關使江海

關統辦江蘇安徽江西三省浙海關統辦福建浙

江二省再令江浙各督撫協同料理一轉移間則

返客為主事權歸一與舊時辦法自有不同其雲

南之銅直行解京毋庸輾轉滋累廣銅儘其所出

辦送庶可免各省承辦之遲誤賠累之艱難如此

暫為補救俟行之數年不再虧缺畧有成效即依此為例否則另為徐圖拔本塞源之道似於錢糧鼓鑄要務不致棄舍無成矣臣愚陋淺見是否有

當伏乞

候朕再加詳酌

聖明乾斷施行謹

奏

覽

同日又

奏為請

旨事竊臣有表姪邵銓係武進士出身先由侍衛補授湖廣岳陽衛守備年力強壯膽勇過人實為武備堪用之才置之衛所閒曠可惜臣曾於雍正八年五月內附摺據實陳明懇請發於浙江臣標以營備改補教導出力荷蒙

聖恩調京引

見逾格擢為京營額外遊擊旋蒙

特授叅將職銜

賜戴花翎令其帶領湖廣官兵出師西路後於軍營

題補山西新平路叅將員缺今歲正月內准有署寧

遠大將軍查郎阿咨文知湖廣官兵已撤則邵銓

自必領帶而歸臣查邵銓勇敢忠誠材料頗好雖

在行間數年行走而實在營伍調度緊要關鍵恐

尚未歷練其與若再加教導造就可以成有用之

人現在臣標中軍副將宋愛已奉

旨署理正定鎮總兵所遺員缺係保定營叅將王之琳  
暫為帶管又加新營兵多事繁難以久為兼辦而  
直屬副叅將中選調亦乏相當幹員再三籌躇不  
揣冒昧仰懇

皇上天恩俯念新平路在山僻似非甚要之缺可否將  
邵銓

賞發直隸或暫署臣標中軍或將王之琳委署中軍副  
將以邵銓調補保定營叅將俾其人原係出格之才因極賞鑒而始加拔擢也得以就近督率

久之自漸歷練似亦無可教導若在卿統轄之下究未免有形迹之嫌朕欲另用別缺卿意以為何如駕馭教導使得成立或可以備聖主驅使之用臣緣人才難得預為儲養起見用敢不

避嫌疑據實具

奏伏候

訓示遵行再聞貴州苗蠻滋事未免稍厯

聖懷各督撫提臣作何奏報內裏情節臣無由而知即

據該處文武各官所遣進京之人一路經過說出

之語似乎與所報不能盡實黔省接壤楚蜀滇粵

況湖南苗民二種均屬性野俗悍地方最有關係  
此時告捷解散之言仰祈

聖明轉加留心細察或密遣可信之人飛馳前往沅州  
一帶探實的信星即具報則

睿照如神易於辦理小醜自必蕩平矣謹

奏

此番逆苗蠢動原非細事正在傳集辦理軍務之王大  
臣詳籌綏靖之宜覽奏足見體國忠誠朕甚嘉之

同日又

奏為奏

聞事竊

臣

因今春頻得時雨南北河道防範宜周於麥

汎之前通飭所屬預將各處工程堤岸逐一查勘  
有低薄者加高培厚在案茲查南北運河於五月  
望前水勢雖長旋即消落各處工程俱報平穩惟  
大名府屬之長垣縣因豫省封邱縣滾水壩決口  
低窪村莊數處并魏縣之杜疇村亦有漫流積水



幸下流無阻尚屬平常水勢業經分別堵築疏濬  
直隸境內均不致有妨礙各屬自五月二十日外  
雖每間二三日有雷雨一陣田水竝無停積現在  
天氣晴朗其零星蝻孽據報雨後多已消除近日  
惟有河間府知府陳起唐報稱獻縣見有飛過蝗  
蝻落下蠶食一面該府親往率衆撲打一面查從  
及早撲捕何至生翅當究明初起處  
何地而來臣當即分頭差員前往鄰境河津等屬  
確查怠玩捏飾各官分別叅處仍令去員協同該

地方文武上緊芟除務盡根株外又據寶坻縣詳稱該屬工部莊後身五月十八日萌生蝻子各有數塊該縣會同營汛飛往撲捕其中將有長成者

飛鴉

十九日早忽有羣鴉無數從西南而來飛集生蝻處所將跳躍蝻子往來啄食歷辰巳午三時悉已

若或使之據數處奏報相同諒應不誣

罄盡復集於沿村樹上約有一時飛翔四散官吏兵民男婦老幼萬目共睹無不歡呼稱為靈異等因臣密差查訪是實此誠

聖德感孚所致臣曷勝欣慶理合奏陳

睿鑒再西寧縣越獄響盜馬四木頭馬二瞎子馬登泉  
三犯經臣飛咨原籍陝甘山西等隣境根拏聲明

臣差員隨後續到協緝等因今准甘肅撫臣許容

許容亦已奏聞矣

咨覆已於狄道縣拏獲馬四木頭馬二瞎子兩犯

持刀拒捕兵役鄉民圍困抹額就縛馬二瞎子傷  
重身故又據固原州將馬登泉亦行拏獲咨臣應  
否留甘關供就近審題正法現在照議咨覆并臣

等捐賞兵捕所有甘省此案協力同辦劇盜幸不  
漏網緣由合併附摺陳明謹

奏

覽

雍正十三年八月初三日直隸總督臣李衛謹

奏為覆奏事竊臣於七月十九日早自

圓明園起程二十一日抵保遵照

廷議奉

旨事理將標營教練兵丁逐一親加挑選精銳足額二千名各兵感戴

聖主恭養教育洪恩無不鼓舞踴躍即偶因患恙畧覺

有是

軟弱及年力稍次挑存在營者亦皆再三告懇叩

敢之心

頭垂涕泣拉之不去衆目共見甚有蔣廷貴回寓情

急自縊者兵氣勇銳若此所向定有成效正在料

理一切事宜分頭辦理具

奏間八月初一日接准部文奉

旨停其調遣惟恐臣在外不知底裏復蒙

聖諭命內閣鈔錄雲貴督

臣

尹繼善奏摺宣示知悉臣

隨欽遵行文飛咨各衙門知會訖伏查尹繼善所報大捷雖內中多係五月間事但據稱各處俱已平定大路開通惟鎮遠尚有數處逸賊出沒正在搜勦上游俱各處處安靜奉調兩粵官兵已屬多餘業經咨會停調臣思督臣統轄就近地方自必能見及始末籌畫萬全無虞但兵可百年不用不

可。一。日。不。備。臣不敢稍忘枕戈之心。凡操練分合  
甚是斯正有備無患之謂  
及行營對壘規畫。可以預為者。仍當加意整頓。庶  
緩急無誤。其邵銓尚在保定。應否即令前赴湖廣  
聽候。

題補或仍令其帶

有旨諭部矣

恩旨副將銜回山西新平路叅將原任使近在隣境設  
有調遣尚屬順便相應請

旨欽遵至於臣子李星垣蒙

皇上逾格天恩授為三等侍衛仍准會試因其隨同管領兵丁前往行間效力是以勉承

恩命令官兵已停調遣則微末武舉何敢躡等踰階濫

膺侍衛之職仰懇

豈可無故解退朕自另有措置  
天恩將三等侍衛准予解退祇遵會試之

旨僅得稍有成就則犬馬之報效有日而臣心之惶悚稍安所有實在蟻忱繕摺陳

奏伏祈



聖明鑒察謹

奏

覽

同日又

奏為奏明事竊臣前在京時曾口

奏至果親王府請安隨蒙傳見優待又賞臣子李星

垣劍一口副將邵銓洋鎗一桿令其帶往出師又

於臣臨行之前賞臣親筆字畫一副時表一件李

星垣鎖子甲一身同邵銓每人皆賞衣服荷包等物此因有奉

旨領兵赴楚之事親王仰體

聖心優加賞犒皆出

皇恩浩蕩所及理合附摺奏

聞謹

奏

王之優待斷非出於籠絡之術卿之晉謁亦非懷有趨

奉之心朕皆深信而無疑者人臣於義固無私交若同心體國互相愛敬則又惟恐其不然也覽奏朕實欣悅之至

雍正十三年八月初十日直隸總督臣李衛謹

奏為奏

聞事竊照直隸今歲年景仰邀

聖主福庇雨暘時若高下全獲豐收億兆黎民咸慶堯

天舜日臣前奉

命進京自出清苑縣郊外所經安肅定興涿州良鄉宛平六州縣境內親見田間各種秋禾茂盛倍常其穀黍高粱糜稷之中一莖雙穗三穗以上者隨處皆有因沿路採取各數本同任邱縣先次送到之瑞穀

進呈

御覽又續據通州三河固安等處詳送到京復經面為奏明及臣回任旬日之間又據薊州霸州香河文安

武清大城遷安永清等州縣各產有雙穗竝三四穗嘉禾呈送前來臣未敢頻為瀆

奏俱經敬謹供奉今又據遵化州詳送

皇陵垣外地中所產瑞穀竝內有一本三枝九穗者及保定縣呈送藉田內所產瑞穀各到臣伏思遵化為陵寢鍾靈重區藉田為

聖主特行大典欽惟

皇上敬

天勤民昭格

蒼穹感孚

列祖是以嘉禾駢穗良稼雙岐既廣育以呈祥羣應時而  
獻瑞臣身在地方目擊實有嘉徵何敢隱而不宣  
謹據實奏

聞竝將遵化州保定縣所產瑞穀隨摺恭

進伏祈

睿鑒謹

奏

直屬今秋收穫實為罕遇豐年朕惟額手稱慶而已夫  
復何諭戴

上帝已往之恩每撫躬而滋懼籲

彼蒼將來之佑亟修德以欽承我君臣期共勉之



硃批諭旨卷一百七十四之十七